



RIETVALLEI



Maande se beplanning het op 12 Oktober tot 'n punt gekom toe ongeveer 40 Rietvalleiers aangetree het vir diens as kampleiers vir die 2007 Nasionale SAWA kongres te Buffelspoort.

Sommige het die Donderdag al aangekom om voorbereid te wees vir die kongresgangers wat vroeg sou arriveer.

Vrydagoggend lyk dit of 'n pepermentbos ontploff het op Buffelspoort. Al die Rietvalleiers dra hul groen hempies en is op 'n afstand duidelik sigbaar. Dis moeilik om te beskryf watter emosie hierdie hempies wakker maak waарoor almal 'n kommentaar te lewer het – dit lyk baie mooi ..., vrolik..., fris ..., vars – selfs laat die aand het ons nog vol energie gelyk (gelukkig was daar nie neon in die weefstof nie, dan het ons nog 'geglow' ook!)

Georganiseerd was ons beslis, die span by die hek deel hul verwelkomingskoeverte en 'n lafenis uit; halfpad staan die brandwag om te laat weet wie is oppad; by die kampterrein word die sawanante weereens verwelkom en 'n aanwyser op 'n fiets wys waar gestaan moet word. In die saal was daar 'n ander span besig om blomme te rangskik en voorbereidings te tref vir die kongres en dinee, en 'n derde span het gesorg dat die chalets en rondawels reg is vir die gaste van ver. Welgedaan aan al die spanne wat uitstekend saamgewerk het!

# Nasionale Kongres 2007- Buffelspoort

Baie is en word gesê oor dié kongresse, en ek het besluit om liewer oopkop die ervaring te beleef aangesien dit my eerste kongres was.

Met my ondervinding van AJV's van verskeie ander organisasies het hiereen besonder glad verloop en sake is goed en vinnig afgehandel. Vanaf Rietvallei, baie geluk aan Christo van der Merwe wat verkieks is tot die nuwe SAWA President en ook geluk aan die nuut verkose dagbestuur.

Na die kongres, was daar so 'n oomblik se asemhaal en toe is die saal 'opgemaak'. Dit het pragtig gelyk, nie oordoen soos Antie Stienie met haar cupcake-valletjie-rok by die staatsteater nie en ook nie 'skimpy' soos 'n boepens boer met 'n help-my-sterk-lyk-hempie nie.

Trix en haar span was gereed om die kleingoed en jongspan te vermaak terwyl die res van die kongresgangers teen 18:00 uitgevat en ge'bling' opdaag by die saal. Die formaliteite word afgehandel en toekennings uitgedeel. Rietvalleiers wat toekennings ontvang het is Johann Grobler (Nasionale Ere-toekenning) en Margriet en Wim van den Berg (Nasionale Merietoekenning). Dit was 'n trotse oomblik vir almal om te sien hoe hierdie drie vereer word.

Daar is heerlik geëet, gekuier, gedans, maar die 'afterparty' is kortgeknip deur 'n geniepsige reënbus en sterk wind wat deur

die kamp geswieg het. So, nadat sommige eers moes tente optel en verseker pale staan weer, het daar 'n rustigheid oor die kamp gedaal. Dit was egter van korte duur, want vroeg Sondagoggend was die groenbende weer aan diens om die saal reg te kry vir Marnette se uitgebreide gemeente vir die oggend.

En na die diens was het tyd vir rus nog niet. Die gasbraaiplate is opgewarm en 'n heerlike 'brunch' is vir die gaste voorberei voor hul weer die langpad aandurf. Die skottelgoed is eers gewas en toé sak die groenspan in hul stoelle neer en begin die 'postmortem' van die naweek. En die uitslag – dit was lekker, dit was bááie lekker en die Rietvalleispan het soos 'n wafferset wêreldbeker Springbokspan saamgewerk. (*Kyk ook na die kongres fotos op die webblad.*)



Rietvalleiers en gades van Dagbestuur in die produksielyn om koeverte te verpak voor die kongres

